

trosten. Und wir wollen darkegen e. f. g. in andacht und demut bey got umb seliges langh leben und regiment vorbitten und es sunst in aller untermenigkeit noch unserm hochstenn vormogen vordienen. Datum Leiptzk anno 2c. xxxiiii sontags oculi.

E. f. g. unterthenige gehorsame capplan, rector, magistri,  
doctores der universitet zu Leiptzk.

5

Dem durchlauchten hochgebornen fursten und herren, herren Georgen hertzen zcu Sachssen, landtgraven in Doringen und marggraven zcu Meissen, unserm gene- digen herren.

## 380.

*Die Tuchmacherinnung zu Leipzig bekennt, daß sie an Doctor Hieronymus Dungersheym von 10 Ochsenfurt, Collegiaten im großen Colleg, 10 Gulden jährlicher wiederkäuflicher Zinsen für die Summe von 220 Gulden verkauft habe und verspricht dafür, alle Jahre Gewänder an arme Leute, namentlich an bedürftige Studenten der Theologie auszutheilen. 1535 Mai 2.*

*Hdschr.: Copiale des großen Fürstenkollegs fol. 37—38.*

Wir Matthes Kersten, Kilian Mülbergk, Nickel Geißler, Bernhart Premsel, 15  
Matthes Beck, Hans Stange, Hans Müller, Peter Brückner, Lang Geißler, Greger Rost  
und Barthel Herman die geschworne meister und das gantze handtwergk der tuch-  
macher zcu Leiptzk bekennen vor uns und unser nachkommen vor allermenniglich  
und thun kundt, das wir dem achtbarn, würdigen und hochgelerten hern Hieronymo  
Tungersheym von Ochsenfurt, freyer kunst und der heyiligen schrift doctori und colle- 20  
giaten im grossen collegio zcu Leiptzk 2c., vorkaufft haben und hiemit vorkauffen zehen  
gulden ierlichs geldes aus unser laden und eynkummen berurts unsers handtwergks  
und haben yhm die gegeben vor zweihundert und zewantzig gulden an müntze  
landtswerung und hauptguts, die ehr uns baruber und woll zcu dank betzalt, wir auch  
von yhm zugezalt entpfangen und furder zcu unsers handtwerccks scheynbarn nutz 25  
gewant und angelegt haben, sagen darauff gemelten herrn doctor sollicher zweihundert  
und zewantzig gulden queit, ledigk und loß, gereden und geloben darauff vor uns  
und unser nachkommen bey gutten treuen und warenn Worten alle iar ierlich vor zehen  
gulden grau, gemeyn und werhafftigk gewant under arme leutte unvorzuegklich balde  
nach dem Leiptzischen michelsmargk und vor Martini zcu vorschneyden und ausz- 30  
zuteylen, iglichem zcu eynem kleyde ader mantel so weyt sichs erstreckt, damit viel  
armer menschen des teylhafftigk werden. Und sonderlich sollen und wollen wir davon  
ierlich geben eynem ader zweien armen studenten, die sich im hausz ader bursen theo-  
logorum alhir enthalten, die sollichs notturfftigk seynn und von der theologenfacultet  
vorbetten und gutt gezcetigknis haben werden, das es bey yne vorwant und nicht ubel 35  
angelegt sey, sunst auch nymant nach gunst ader unserm gesind ader vorwanten dan